



Inatsisartunut ilaasortaq Gerhardt Petersen, Atassut
Inatsisartunut ilaasortaq Siverth K. Heilmann, Atassut

/maani

AGF-ip akiliisinnaajunnaarnerata kingorna tunisassiorfiit pillugit § 37 naapertorlugu apeqqummut nr. 2013-162-imut akissuteqaat

20. september 2013
Sagsnr. 2013-089603
Dok. Nr. 1343275

Inatsisartut suleriaasianni § 37, imm. 1 naapertorlugu AGF-ip akiliisinnaajunnaarnerata kingorna tunitsivinnut tunngatillugu pilersaarutaasut pillugit apeqquteqaateqarpusi. Apeqquut uannut akisassanngorlugu innersuussutigineqarpoq.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Apeqquut

Naalakkersuisut qanoq sukumiinerusumik pilersaaruteqarpat tunitsiveqarfiit ingerlanngitsut AGF-ip akiliisinnaajunnaarluni uninnikuuneraneersut pillugit?

Akissutit:

Naalakkersuisooqatigiilernissamut isumaqatigiisummi atuarneqarsinnaavoq, tunitsiveqarfiit nukittorsarneqarnissaat siunertaassasoq. Tamanna ingerlataqareersut suleqatigalugit ingerlanneqassaaq.

Naalakkersuisut kissaatigaat nioqqutissiassanik pilersuinissamut ammaassisoqarnissaa, sapingisamik ukiup ilarujussuani aalisartunut pingaartumillu tunisassiorfinni sulisorisannut suliffeqarnissamik qularnaarinnissinnaasunik.

Royal Greenlandip ukiormanna tunisassiorfiit akiliisinnaajunnaarsimasut pisiarisimavai. Ullumikkut Maniitsumi Qaanaamilu tunisassiorfiit ingerlanneqarput, sulissutigineqarporlu Attumi Ikamiunilu tunisassiorfiit ukiup tullissaani ingerlanneqalerumaartut. Ataatsimut isigalugu tunisassiorfinnut akiliisinnaajunnaarsimasunut tunngatillugu, tunisassiorfiit ataasiakkaat siunissami ingerlanneqalernissaat siunertaralugu Royal Greenlandip tunisassiorfiit qanoq aserfallassimanerat maanna nalilersuiffigimmagit. Royal Greenlandimut siunertaavoq aserfallassimassuseq naapertorlugu naliliinerit aallaavigalugit tunitsiveqartitsinerit amerliartuaartinneqalerumaartut tassani niuernerpalaartumik ingerlanneqarsinnaasut salliutinneqarnerisigut.

2014 aallarnerfigalugu isumaqatigiissutigineqarpoq, Royal Greenland A/S-ip kiffartuunneqarnissamut akiliutitaqanngitsumik tunisassiorfitik ingerlatiinnassagaat.

Naalakkersuisut 2014-imut ukiunilu missingersuusiorfiusuni tullerni aningaasanut inatsissatut siunnersuutiminni kiffartuunneqarnissamik isumaqatigiissutinut aningaasanik immikkoortitaqanngillat.

Inussiarnersumik inuulluaqqusillunga

Karl Lyberth
Aalisarnermut, Piniarnermut Nunalerinermullu Naalakkersuisoq